

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede,  
infrastrukture, prostornog uređenja,  
građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне привреде,  
инфраструктуре, просторног уређења,  
грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure,  
Physical Planning Construction and  
Environmental Protection

Broj: 05-04-33229-16/21  
Sarajevo, 20.09.2021. godine

**KANTON SARAJEVO**  
**SLUŽBA ZA SKUPŠTINSKE POSLOVE**  
**- O V D J E -**

**PREDMET:** Odgovor na zastupničko pitanje zastupnice Segmedine Srna Bajramović-dostavlja se,

**VEZA:** Vaš akt broj: 01-04-33229-16/21 od 15.09.2021. godine

Aktom, broj i datum veze, Ministarstvu komunalne privrede i infrastrukture, prostornog uređenja, građenja i zaštite okoliša Kantona Sarajevo, dostavljeno je zastupničko pitanje koje je zastupnica u Skupštini Kantona Sarajevo Segmedina Srna Bajramović uputila, a vezano za informacije u vezi sa obračunom komunalnih usluga u Kantonu Sarajevo.

Shodno naprijed navedenom, Ministarstvo komunalne privrede i infrastrukture, prostornog uređenja, građenja i zaštite okoliša Kantona Sarajevo daje sljedeći:

**-ODGOVOR-**

Zakonom o komunalnim djelatnostima Kantona Sarajevo u članu 22. određena je cijena komunalnih usluga, odnosno način na koji se formira. Cijena komunalne usluge sadrži sve troškove tekućeg održavanja i funkcionisanja komunalnog sistema na koji se odnosi, te troškove nabavke novih stalnih sredstava davaoca komunalne usluge prema članu 37. stav (2) tačka a) i stavu (3) ovog zakona. U cijenu usluge uključena je i amortizacija koja se sastoji iz amortizacije stalnih sredstava davaoca komunalne usluge i amortizacije stalnih sredstava infrastrukturnog komunalnog sistema, odnosno dobara u općoj upotrebi. Komunalna javna preduzeća obračunavaju svoje usluge u skladu sa gore navedenim Zakonom. Validnost kalkulacije i konačan prijedlog visine cijena komunalnih usluga utvrđuje Neovisno stručno tijelo Vlade Kantona, a stvarnu cijenu komunalnih usluga određuje i usvaja Vlada Kantona Sarajevo, u skladu sa nadležnostima iz čl. 7.,8. i 9. ovog Zakona.

Također napominjemo i to da ukoliko se cijena usluge utvrdi u nižem iznosu od stvarne cijene koštanja, razliku sredstava će nadoknaditi Kanton. Cijena komunalne usluge za pruženu komunalnu uslugu plaća se davaocu komunalne usluge.

U skladu sa navedenim smatramo da je potrebno donijeti nekoliko provedbenih propisa koje bi dodatno poboljšale i uredile obračun komunalnih usluga, kao i samih komunalnih preduzeća. U narednom periodu kako je i najavljeno na stranici Ministarstva komunalne privrede infrastrukture,

prostornog uređenja, građenja i zaštite okoliša, planirana je uspostava Holdinga javnih komunalnih preduzeća, a cilj je reforma javnog komunalnog sektora na području Kantona Sarajevo, te iznalaženje rješenja koja bi dovela do efikasnijeg rada javnih komunalnih preduzeća, uz poboljšanje kvaliteta usluga koje pružaju građanima i ostvarivanje ušteda u poslovanju.

S poštovanjem,



**MINISTAR**  
**Enver Hadžić dipl.ing.maš.**

Dostaviti:

1. Naslov,
2. Evidencija,
3. Arhiva.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića

